

四庫全書

史部

欽定四庫全書

續資治通鑑長編卷三百四十九

宋 李燾 撰

神宗

元豐七年冬十月丁卯朔詔支末鹽鈔三十萬緡付河東路轉運司市糧草 詔湖南邵州武岡縣減將下防托拏手二百以其錢糧募土人入溪峒從鈐轄司請也御史蹇序辰乞令諸路提點刑獄司每季具以論決

詳覆大辟事狀以聞付刑部注籍點檢案治失誤詔提  
點刑獄司季申刑部

戊辰點檢諸陵器物所言安陵東有青龍河越數小澗  
用透槽行水可以徧及三陵下宮於熙陵之西退入白  
虎澗達于洛下太史局以為不可從之 詔景靈宮管  
勾內品雷迪罰銅十斤送西京洒掃班坐欲移用美成  
殿奉祠物及應宿不直也

己巳耐馬都尉錢景臻對因謝父知鄆州暄除寶文閣

待制上曰暄為郡有聲朝廷自以才用又謝子忱賜名

上曰主賢宜有子也其勉以學

九月戊午中散大夫知鄆州錢暄除實制

同經制熙河蘭會路邊防財用馬申言糴買全在冬春

之交乞十月後印給次年鹽鈔限正月至本路戶部言

若本路豫得鈔招誘入中牽制秦鳳等四路鈔價乞依

秦鳳等路吏部差使臣於正月下旬押赴經制司從之

詔涇原廊延兩路發赴城寨堡鎮防秋諸軍比諸路

特早並與特支錢

十一月四日可考

庚午大名府路安撫司言近以修開水口發德博州夫  
萬二千今水口已塞欲因此夫修廂軍營及築上下水  
關詔食庫館驛舍等令轉運司依先降指揮其修城令  
安撫司具實用人功以聞 權開封府界提點范岫等  
言諸縣尉專捕草市賊盜及通管縣務歲下鄉常以百  
數若省縣尉恐一主簿不能辦事乞依舊存留從之  
吏部言宗室子漪換通直郎年十八宗室授殿直者二  
十聽出官無文資法詔子漪候年二十許出官 詔支

錢鈔二十萬緡付河北轉運司市糧草

壬申詔河東經畧司近諸處雖有牒報即非大點集其  
葭蘆吳堡塞守禦保甲可放散 是日西賊犯涇原民

多以火死

二十二日奏

先是殿中侍御史翟思言知樞密

院韓縝受知石州文思副使燕復所遺馬一匹市價二  
百千縝償以四五十千開封府界保甲司勾當公事右  
侍禁楊嵩亦嘗遺縝馬一匹價直與復之馬等而縝亦  
以三四十千買之以與兄絳詔縝分析於是縝言知石

州燕復嘗為臣買馬令其子孝嗣言元買券直絹四十匹臣先以銀十兩償孝嗣道里費許償以山東絹八十匹又侍禁楊嵩自言入西界得一馬駒欲賣為路費臣諭通直郎李士京以三十千買之後士京云馬不可乘又患疥癢今欲各付其主手詔鎮因買馬以致人言辦析厥初契約咸在朕豈以一青督過大臣宜特釋罪後三日思罷侍御史試國子司業

魏思言鎮在九月二十六日改司業在此月九

日并書之

是日

十月六日壬申

西賊寇靜邊寨將官彭孫擊却之

此據御集追書仍附注御集二事涇原路將官彭孫下  
初六日靜邊砦捍賊有勞曾出戰漢番兵員可等第與  
特支禁軍七百丈人員增工廂軍兵民蕃兵五百增工  
準此仍降指揮下走馬承受龐卜喝賜所有得功人仰  
經畧安撫司疾速保明聞奏元豐七年十月十五日下午  
又賜劉有端勛會今月六日涇原路靜邊寨駐劄將官  
彭孫等禦捍夏國大兵功狀顯異兼熙河路定西城守  
禦人兵不多及經畧安撫司制置司已有排辦下准備賞  
賜銀碗不少可以支用得足仰限指揮到除將帶去銀  
碗二千隻依已得指揮俵散外餘三千隻更不得卸納  
依舊用元打角車子裝載躬親前去涇原路計會盧秉  
推排當日諸將元出戰馬軍人給一隻依熙河路俵散  
令裝載以賞異功即不得夾雜無勞人在內仍宣諭盧  
秉靜邊若非經畧安撫司預備有方必不能致是推沮  
賊鋒安靜一道候宣  
諭俵散訖疾速赴闕



甲戌詔石州葭蘆吳堡兩寨各置水軍一指揮以百人  
為額 詔供備庫副使知會溪城王令宣追一官勒停  
坐擅殺官牛與蠻立誓取公使庫無名額錢悔過以償  
也

乙亥給事中韓忠彥為禮部尚書忠彥入謝上諭曰先  
令公之勲朕所不敢忘卿復盡忠朝廷此未足以酬卿  
也

文彥博私記云王珪謂遷忠彥太峻蔡確獨左右之  
上曰此特為其父故不可為例也且云忠彥方許確

婚故得確  
助此當考

中書舍人兼侍講蔡卞試給事中朝奉郎

守起居郎楊景畧朝散郎守左司郎中錢勰並為試中書舍人免召試景畧總奉使高麗方還在道並擢之

詔應歿於王事補授人並許依舊條指射差遣又詔內藏庫支紬絹各五十萬匹於熙河經略司封樁 涇原路經畧司言蕃官告諭部族買戰馬賞絹撫養庫闕錢詔於鳳翔府封樁李元輔經制絹內給萬匹 詔劉昌祚西賊大兵已寇熙河路其廊延路守禦保甲速詳度放散以聞

新紀書乙亥夏人  
寇熙州舊紀不書

丁丑吏部言經制變運川峽路常平積剩錢所增息錢二百三十二萬緡乞推恩詔李元輔遷兩官史君俞張茂先候改官日各遷一官減磨勘年有差 詔殿前司馬軍年四十以上武藝不及二等者給限一季習學限外藝不進轉支馬與闕馬教頭 詔諸路封樁闕額禁軍錢穀並依元豐令隨市置變易其不得減過元糴納價法除之 光祿卿呂嘉問言近者牛羊司典吏李璋犯乞取贓已論決竊惟朝廷捐數十萬緡行一重法於

天下欲得吏清政平待之固已至矣而無忌憚之吏已漸弛於法行之初蓋由本法與錢之人纔減取錢之人二等乞定河倉法斷遣刑名自陳告首之賞與引領過度一切如舊外其行用者止以不應得為坐之下刑部叅詳其與若許者依律得罪或依在京請求非法公事條得罪重并官員在京行用非請求曲法不坐并輸稅人行用非攬納及行求枉法者不坐之類並依本條外乞如嘉問所定從之

戊寅詔廣西經略司勾當公事連州軍州推官譚拔特  
改京官權通判邕州經略使熊本薦也 賜軍器監度  
僧牒千市材料 詔定西城守城漢蕃諸軍并百姓婦  
女城上與賊鬪敵者人支絹十匹運什物者七匹城下  
供饋雜役者男子五匹婦人三匹

庚辰詔廣西進士黎易從陳蒙特免將來文解以入黎  
峒說諭陳被被等歸明故也

張頤傳有陳被事述當考

詔饒州童

子朱天申對於睿思殿賜五經出身天申天錫再從兄

禮部言天申年十二試誦十經通也

四月丁丑  
天錫見

辛巳朝獻景靈宮

癸未密州商人平簡為三班差使以三往高麗通國信也 福建路轉運副使王子京言建州臘茶舊立權法商賈冒販利甚厚自熙寧三年官積陳茶遂權聽通商自此茶戶售客之茶甚良官中所得惟常茶稅錢極微南方遺利無過於此乞仍舊行權法建州歲出不下三百萬斤南建州亦出二十餘萬斤欲盡買入官度逐州

軍民戶多少及約鄰路民之數計置即官場賣嚴立告賞禁建州賣私末茶借豐國監錢十萬緡為本並從之所乞均入諸路權賣委轉運司官提舉福建王子京兩

浙許懋江東杜偉江西朱彥博廣東高鏞

御集載子京奏云權賣臘

茶所收淨利不減鹽課當考八年二月七日并權通商地分元祐元年二月二日依舊通商食貨志第五卷七年福建路轉運副使王子京言建州舊權臘茶而商賈冒販獲利熙寧三年官茶陳積乃聽通商自此茶戶以喜茶售賈人官所得皆下稅錢為耗請權之便建州歲出茶不下三百萬斤南劍州亦二十餘萬官盡買之度逐州及鄰路常用數馬多寡均與權賣委轉運官一員領之以助經費園戶亦便假豐國監錢十萬緡為本

並從之如是兩浙江東西廣西路皆委官而福建以委子京其法盡索種茶民使自占歲造茶數悉賣於有司而重禁福建兩浙江南東西廣西之鬻建茶者明年戶部言子京又請禁兩浙江南廣東茶詔惟饒南陝西路通商餘皆為推茶地云

乙酉上批知青州鄧綰言本路夏秋豐稔米斗直五七錢未知虛實宜令京東西路提舉司具州縣米穀市價以聞既而綰言昨以秋成故奏菽粟斗六七錢今慮提舉司奏物價稍增乞照察上以綰佞知其初奏不實也禮部員外郎何洵直言伏見永昭陵下宮帝后神御



同幄朔望上食時節並同薦獻安陵合祔昭憲皇后其  
下宮惟有宣祖神御及永昌永熙永定陵下宮各無諸  
后神御大節帝后異宮酌獻朔望上食等特酌獻帝一  
位而諸后皆不豫饗乞並於下宮同幄奉安詔諸后止  
設位牌同酌獻 樞密言西賊近寇熙河涇原勢已敗  
北深冬苦寒必不能大舉奔衝涇原秦鳳防秋軍馬並  
在極邊坐耗芻粟欲委經畧司審度抽兵各歸近裏從  
之以陝西轉運司言賊退乞減邊兵也

丁亥詔應職事官以除授先後為序同日除者以寄祿官上批今月丙戌大理寺開封府見禁罪人以千數勘結濡滯乃如此歲將大寒可令晝夜結絕無久繫留先是賜獄囚食有司以數聞故申教之

戊子敕交趾郡王乾德省廣南西路經畧司奏昨準朝命安南奏以溪峒勿惡勿陽等州峒疆至未明令本司計會本道差職官辨正今准安南報差黎文盛等至邊界已辨正乞降詔旨付安南遵守事向觀奏牘陳叙封

疆特命邊臣計議辨正卿保膺寵祿世載忠純欽奉詔  
音申飭官屬分畫州峒本末以明勿惡勿陽二峒已降  
指揮以庚儉邱矩叫岳通曠庚巖頓利多仁勾難八隘  
為界其界外保樂練苗丁放近六縣

六縣下恐有脫  
字時政記亦然

宿

桑二峒並賜卿主領卿其體此眷私益懷恭順謹遵封  
約勿縱交侵初熙寧十年乾德言乞詔回大兵即遣使  
謝罪奉職貢詔從其請令安撫司遣人畫定疆界而宣  
撫使郭達以為昨大軍至富良江交趾納款日偽文思

使矯文膺已嘗議定大兵所至即是封疆令太平寨主  
成卓往分畫元年乾德遣陶宗元入貢乞四州土詔令  
交趾盡歸所略邕欽廉三州人口即給廣源等州而交  
趾所送人口二百有六年十五以上額刺曰天子兵二  
十以上面刺曰投南朝婦人左手刺曰官客安撫司復  
索三州官吏婦人而交趾固稱無有以故久之不決五  
年九月交趾知上源州楊壽安寇歸化州宿兵謀入順  
安等七州峒歸化州故勿陽峒穴也而知邕州西京作

坊使劉初以為皆廣源州故地開寶中廣源道坦綽儂民富願以管下古耽覆和十州比七源蠻內附輸稅朝廷授民富以官知廣源州事後雖因劉紀納土朝廷以通儂州賜智會智會民富之宗也交人無厭失信妄動不若因此處置以息將來邊患而交人以為昨采銅於勿陽峒即不知有歸化州經畧使能本亦言嘉祐中儂宗旦以勿惡等峒歸明賜名順安州治平中儂智會以勿陽峒歸明賜名歸化州今儂氏所領州峒初不隸南

平而歸化等州係右江控扼咽喉之地制御交趾大理  
九路白衣諸蠻之要路乞詔交趾詰其侵犯歸化州之  
故及令盡還略去生口絕其長惡未萌之心是歲成卓  
鄧闢乃與南平使黎文盛阮陪定議如十月己巳詔書  
而黎文盛寓書熊本曰成卓言上電下雷溫潤英遙勿  
陽勿惡計城貢淥頻任峒景思苛紀縣十八處從南畫  
界以為省地陪臣小子惟命是聽不敢爭執然儂氏所  
納土皆廣源之屬也幸遇聖朝萬政更張何愛此磽确

瘴癘之地不以回賜本道存庇外臣或曰昨王師所取者當還其守吏挈而歸明者難復也文盛以為土有主屬守吏挈而逃去盜主之物也主守自盜不赦之賊盜物寄賊法亦不許況可污於省籍乎而本及卓以文盛雖有求地之言然又言惟命是聽不敢爭執以為大意

已定故降詔焉

六月四日壬申八月二十一日可考舊紀書戊子詔安南地瘴癘戍守者多死

其分畫交趾界以六縣二峒賜之新紀但書詔分畫云

云密記時政紀有辨正事四節今附此七年八月七

日令熊本勒成卓等供祈恭文盛等公牒及面議並不  
曾言懷宗且所納州峒等更不敢爭占今來便稱各得

歸着了當有何照據及因何便乞降詔并恩錫具詣實  
開奏八月十七日熊本奏成卓申黎文盛牒內稱些小  
溪峒若係省地請供申經畧使衙門聞奏朝廷惟聽回詔  
指揮等事擬定欲令熊本子細看詳成卓等前後所申  
或本官已到本司即當司審問及詳黎文盛累次公牒  
并對答詞意如有可執據委是分明交人將來得詔不  
致反覆即具結罪保明聞奏八月二十日熊本奏成卓  
等申黎文盛將出公狀於勿陽順安等處從南畫斷地  
界等事同奉旨擬定將臨外八處縣峒給賜交趾詔書  
并賜黎元盛阮陪物色教書進呈八月二十三日前昨為  
歸化順安州峒本道未悉本末因依令經畧司差官辨  
正及詔乾德遣人分畫今據廣西經畧司奏差成卓與  
交趾差來官黎文盛等辨折指諭已見本末乞降詔今  
已安南恭順分畫已定其叫岳隘外保樂練苗丁放近  
六縣宿桑二峒共八處特賜交趾主領依此降詔開諭  
等事同三省奉旨令學士院依此草詞侯廣西經畧司



勸會到隘名修厲其黎文盛等並賜  
細衣著文盛二百匹阮陪一百匹

詔宗室孀婦與

子孫於所請俸料從一多給子孫二人以上者通此

涇原路經畧司言今月壬申西賊犯境燒柴草積民多

火死者詔給死者男丁絹七匹小兒五匹 詔諸路兵

官緣邊都監武臣知城縣堡寨主如尚書左右司禁謁

法

己丑手詔李憲累得奏以夏賊大入定西城地分攻圍

城壘及分兵康谷燒毀族帳事繼聞羌衆並已遁散其

禦賊有功傷中漢番兵民已下本司保明及已差內侍  
劉友端乘騎往本路支散茶藥及喝賜銀絹去訖宜契  
勘賜人預准擬合用之數於側近排辦無令乏少有輕  
重傷中等於格該別賞之人可依詳之降朝旨取近日  
隨功狀輕重大小保明聞奏勿令差漏遺落

朱本

庚寅中書省言樞密承旨司傳宣事已得旨如別無奏  
稟合作錄黃過門下省覆奏本省更不入進文字從之  
泰寧軍節度推官知大名府莘縣晁端禮追三任官

罰銅二十斤勒傳千里外編管坐以官錢貸進士閣師道及師道請求豫借保甲錢買弓箭為提舉保甲司所劾也

辛卯樞密院奏乞以自來御前批降指揮備載於冊以為樞密府龜鑑從之

癸巳手詔李憲得所論夏賊即今國中虛實形勢彊弱用事首領舉動妄謬之狀甚善賊情大槩其盡於此矣然夏羌自祖宗以來為西方巨患歷八十年朝廷傾天

下之力竭四方財用以供饋餉尚日夜惴惴然惟恐其盜邊也若不乘此機隙朝廷內外並力一意多方為謀經畧除此禍孽則祖宗大耻無日可雪四方生靈賦役無日可寬一時主邊將帥得罪天下後世無時可除俯仰思之所以今日有此申諭昨得涇原奏體訪去興靈州迺直道徑方知蘭州渡河去賊巢甚邇今若於四五月間乘賊人馬未健加之無點集備我之際預於黃河西上以蘭州營造為名廣置排棧尅期放下造成浮橋

以本路預集選士健騎數萬人一發前去蕩除梟穴縱不能擒戮大憝亦足以殘破其國使終不能自立未知其計如何宜密謀於心具可否令至親謹密之人親書奏來無或少有洩露昔王濬取吳高潁平陳曹彬等下江南莫不出此計卒皆能立奇功除一時巨患爾宜親閱其實加意潛謀審念之又得譯錄到溫錫沁等蕃字及遣來蕃僧羅藏口陳邊謀甚悉苟直如來約實大利也不知羌酋信誕所在爾更宜加意置心經營蓋時者難

得而易失古今通患其星多哩鼎若委如所謀從中而  
起外以漢兵如今月二十一日所諭合勢而東則大事  
成矣惟在爾多方以智圖之則巨患可除國憤紓有日

矣

朱本有此墨本無之今  
月二十一日所諭當考

熙河蘭會路制置司言九

月乙丑西賊圍定西城等五副將秦貴等奮死禦賊乞  
推恩第上蕃官左藏庫副使堅多冕等雜功六百二十三  
人詔秦貴照管定西城遷一官賜絹三十匹貴子賜絹  
十五匹內殿崇班韋萬等十八人分地救護南北門鈞

橋韋萬崔綱李忠寇士元各遷一官閭倍等十人各減磨勘二年陳臨等四人各減一年餘賜有差

甲午戶部言廣西轉運判官劉何乞權買桂州修仁縣等處茶前此官司未嘗經畫欲且施行候及一年就緒令提舉官立法所乞借常平錢及差官一員提舉當候詔旨提舉官差劉何其借提舉司錢限三年還

元祐元年閏二月

月二十二日罷此

詔樞密院說與陳睦如到北界見高麗舊

魯相接或祇應人等若附近可以語言相通即與問勞

密記二  
十八日

乙未御史中丞黃履言御史黃降彈察編敕所受朝旨  
兩項不依條錄報其編敕所稱一時所受事不為條貫  
開封府定奪乃以為當臣伏詳若以一時指揮為暫行  
事誠有未安詔門下外省定奪竟如何  
當考涇原路經畧

使盧秉言西賊入靜邊寨攻第十六堡彭孫等併兵敗  
賊無所傷折殺其首領星多哩鼎乞加倍賞彭孫郭振  
總領將兵出塞遇賊邀逐有序措置精審姚麟等雖不



見賊總兵張大聲援雜功將副十五人部將等三百七十九人詔彭孫通磨勘并先出界未賞功除果州團練使本路都鈐轄郭振遷三官就差本路都監雜功下盧

秉委彭孫分三等以聞

兩紀並書乙未夏人寇靜遠寨涇原路鈐轄彭孫敗之蔡條叢

說云西羌嘉勒氏久盜有古涼州地號青唐傳子董戩死其子弱而羣下爭強遂大患邊一曰星多哩鼎一曰青宜結果莊而星多哩鼎最黠果莊其亞也元豐末神廟詔諸將星多哩鼎假授王土既擅其國則彼用兵之際若旌麾之屬豈無獨異其狀者宜募猛士如能殺之或生捕得若卑官或白衣並拜觀察使不半歲有裨將彭孫者果臨陣踴躍而斬星多哩鼎以其首獻詔封彭孫觀察使於是果莊之勢惜未幾又生得之屬元祐初也

遂以其事奏告祐陵焉擒果莊之功蓋得一時名臣文  
士歌詠因大流播然世獨不知殺星多哩鼎此乃青唐  
所以亡通畧臣謹據神宗國史星多哩鼎者乃西夏  
首領而條以為青唐將恐誤按條所云彭孫殺星多哩  
鼎事在七年十月乙未自元豐四年十二月丁卯責金  
州監當五年七月甲辰權涇原鈐轄知欽州七年六月  
辛己以從姚麟出塞歸自內藏庫使忠州刺史遷皇城  
使十月乙未通磨勘并先出界功除果州團練使初未  
賞除觀察使也不知條何所據殆妄說也其意似  
欲抹殺元祐擒果莊之功賊子敢爾姑具注此 故

供備庫副使致仕翟儀子元建言父任澶州巡檢元豐  
四年十二月乞致仕澶州失盜乃五年三月轉運使蹇  
周輔奏父儀避責罰乞致仕朝旨依衝替人例乞定奪

刑部考實如元建所言詔翟儀落衝替周輔罰銅十斤

成都府利州路經制買馬司奏請雅州碇門靈關嘉州

中鎮等寨各選委官置場買四尺二寸以上堪配軍馬

其茶馬禁法並依元奏施行所有逐州蕃蠻因來賣馬

將到物貨並乞依黎州所得朝旨博馬從之

此據嘉州編錄冊增

入乃七年十月二十九日敕也九月二十八日王存云

元祐元年七月二十一日罷提舉陝西等路買馬監牧

公事陸師閔奏勘會成都府利州路經制買馬司昨准

朝旨於雅州靈關嘉州中鎮等寨置場買馬數內雅州

靈關寨並無蕃蠻馬元未曾置場外其嘉州中鎮寨雖

曾置場亦無買到馬數今來未敢廢罷奉旨令成都府

利州路鈐轄司相度聞奏本司今相度雅州靈關嘉州  
中鎮等寨置場買馬可廢罷從之乃元祐元年七月二  
十一日聖旨此據嘉州編錄冊今依本月日  
增入初置場在元豐七年十月二十九日



欽定四庫全書

續資治通鑑長編卷三百五十

宋 李燾 撰

神宗

元豐七年十一月丁酉朔詔築誠州上誠天村大由三  
寨從湖北鈐轄運司請也 涇原路經畧使盧秉言西  
賊入靜邊寨隊將借職白玉蕃部落軍使李貴戰死詔  
錄玉子一人貴子二人

新紀書夏人寇靜邊寨隊將  
白玉李貴死之舊紀不書

又詔涇原熙河蘭會路賞功宣告入急遞以往

戊戌詔盧秉措置禦賊兵將有勞降詔獎諭賜帶馬及銀絹五百初賊遣黠酋星多哩鼎將舉國入寇秉團兵瓦亭分遣彭孫姚雄率師駐靜邊俄報賊犯熙河定西城秉遽麾瓦亭全師遣姚麟夜趨靜邊且指賊來路曰吾凌晨坐得捷報矣麟中夜至靜邊黎明賊至驚曰王師天降也彭孫等遽擊之衆大潰斬獲甚衆星多哩鼎死于陣有識其衣服者諸將請以聞秉曰諸將上功多

恨不實吾可以疑似要賞耶既而謀者言所殺真星多

哩鼎也上遣中貴人取所獲器甲以獻

此據盧秉傳然秉乙未日奏殺

賊首領星多哩鼎稱彭孫郭振措置精密姚麟等雖不見賊總兵張大聲援而本傳乃以殺星多哩鼎為姚麟等功恐誤也今改修云姚麟中夜至邊黎明彭孫等遽擊賊庶與乙未所奏不相抵牾奏狀要可信也更須考詳

己亥著作佐郎邢恕言官制史館掌修撰國史實錄之事其屬有日厯所比廢編修院歸史館又崇文院未罷日史館有主判官昨以官制罷主判則掌國史實錄修



纂日歷諸司關報時政記並歸秘書省國史案長貳丞  
與著作同領簽書即難別有日歷所乞諸司關報但稱  
秘書省中書勘會日歷長貳丞不與修纂時政記起居  
注並於著作所開拆入庫封鎖自今諸司關報文字並  
稱秘書省國史時政記日歷事非編修官不與 詔陝  
西河東諸路西賊舉國入寇一路如昨犯蘭州之北方  
得關報餘路牽制不須豫差定軍馬常在極邊其餘鈔  
略止依例互相關報 詔增差廣南東路鈐轄張整為

廣西鈐轄駐桂州其廣西上供錢禁軍闕額錢米並令  
檣留其常平免役寬剩經畧司和糴度僧牒錢緩急並  
奏聽支用從知桂州苗時中請也

十二月  
六日

庚子樞密院言準朝旨涇原路差赴城寨堡鎮防秋卒  
比之諸路早發並與特支其常例差發者不給涇原路  
經畧司誤比類該說不盡指揮給渭州防秋府界第四  
將詔轉運司劾罪已支錢更不拘收勒干繫人均脩後  
經畧使盧秉言誤給錢乞獨坐罪詔秉罰銅二十斤劾

罪均備指揮不行

十月三日可考

辛丑詔承務郎及使臣以上致仕嘗以戰功遷官者俸

錢衣並全給餘歷任無公私罪事理重及贓罪給半因

過犯若老疾體量致仕者不給非戰功而功狀顯著者

奏裁

舊紀書詔致仕官俸有戰功者全給無贓罪公私罪重者給半績効尤異雖非戰功奏裁新紀不書

尚書省言大理寺斷潞州民王德與弟亮婦程姦造

意與程謀殺亮死程案問從故殺處死德減死流二千

里刺配按王德不應用程為首減等詔大理寺斷官罰

銅十斤餘干繫官各八斤刑部干繫官吏各六斤

壬寅管勾熙河蘭會經畧司機宜文字穆衍言夏人入

朝乞殺禮待之使董戩無校量輕重之別不報

穆衍河中人紹

聖二年十月有傳

提點江浙等路坑冶鑄錢胡宗師言信州

鉛山縣銅坑發已置場治乞借江東提舉司錢三十萬

緡以鑄新錢息二分還福建二浙有銅坑處準此戶部

言宗師言皆可推行詔借江東提舉司錢十五萬緡以

所鑄錢還所乞福建二浙借錢不行

朱本刪去

甲辰詔使高麗兩番都轄以下涉海有勞各遷一資

中書省言聞開封府大理寺禁繫甚多詔令刑察御史

與刑部郎中速往點檢趣結絕河東經畧使呂惠卿

言馬數倍少若依舊條買不入望許河外諸將下馬比

舊等尺短五分以下堪被甲者給價填闕候事平依舊

條從之熙河蘭會路制置司言昨西賊犯定西城兩

監押并熨斗平侍禁閣佖將護入馬照應內傷中獲級

及戰死禁軍等百九人已賞三十人乞推恩內定西城

監押李中寇士元不審賊勢鬪敵損折人馬又緣皆見敵死戰又有斬獲乞以功補過並從之 夏國主秉常遣摩格茂密伊裕齋表入貢其表曰秉常輒罄丹衷仰塵淵聽不避再三之干瀆貴圖溥率之和平况夏國累得西蕃摩正王子差人齋到文字稱南朝與夏國交戰歲久生靈受苦欲擬說話却令兩下依舊通和緣夏國先曾奏請所侵過疆土朝廷不從以此未便輕許於七月內再有西蕃人使繳巴沁鼎丹新等到夏國稱兼得

南朝言語許令夏國計會令但差使臣齎計會表狀西  
蕃國自差人赴南朝前去切念臣自歷世以來貢奉朝  
廷無所虧怠至於近歲尤甚歡和不意儉入誣間朝廷  
特起大兵諸路見討侵奪却疆土城寨自此稱怨歲致  
交兵今朝廷示以大義特賜還夏國疆土城寨伏望皇  
帝陛下開日月之明擴天地之造俾還疆土通遐域之  
貢輸用息干戈庶生民之康泰儻垂開許別效忠勤上  
即錄本以付李憲仍詔憲詳其來文乃不移前請兼言

董戩使人招徠及妄言朝命許其通使之意與郭特凌古  
期望本情大段草畧不同可因其使來詳開諭之

朱本增入

新本  
削去

乙巳著作佐郎邢恕守職方員外郎

特書此月戊辰為  
十二月蔡確事

刑部言知汝州中大夫蒲宗孟已滿一朞宗孟前執  
政未敢準待制以上條檢舉詔自今執政官罷黜及朞  
中書省檢舉取旨 詔每歲賜錢二百萬緡付熙河蘭  
會路邊防財用司充經費



丁未賢文閣待制權知開封府寒周輔試中書舍人周輔治開封府數月中丞黃履言周輔攬權歸已留事不決非剋煩之才故也中書舍人蔡京為龍圖閣待制權知開封府詔應武舉及試出官並依進士試大義一場第一等取四通第二等取三通第三等取二通並為中格從司業翟思朱服所定也宣德郎太學博士邵材為監察御史材宜與人上臨朝甚肅初賜對者往往震懾不稱旨材入見延和殿雍容占奏因曰去歲郊

祀臣以太學博士陪祠事陛下至太廟及園丘執禮甚嚴陛下臨天下將二十年而秉心愈小事天地宗廟愈恭此盛德也然成天下之大業亦在於持久不倦耳上

首肯之

崇寧四年閏二月有  
材傳此據傳增入

河東經畧使呂惠卿言

近支末鹽錢三十萬緡赴本路糴買復准戶部符給錢銀紬絹鈔入中不行乞於在京樁管見錢從本司出鈔糴買或令人入便其戶部鈔見在本司而河東轉運副使孫覽亦言本司科秋稅糧草經畧司令民折納錢如

朝旨許理經畧司以支移糧草折納即乞令經畧司一面管認應付本司支移年計糧草詔並依惠卿所請已出鈔令戶部收毀其經畧司所納轉運司支移年計糧草本司依數管認應副餘令轉運司計置

戊申廣南東路轉運副使高鑄言本路賣鹽場務多虧欠欲依六路鹽法就差逐州管勾官為鹽官考校功過賞罰乞令提點刑獄兼提舉鹽事從之

已酉中大夫知汝州蒲宗孟為資政殿學士知亳州

辛亥冬至不視朝

乙卯太白晝見

兩紀並書

資政殿大學士降授正議大夫

呂公著復光祿大夫公著先坐知定州日違法差禁軍  
防送罪人降官滿一朞也 禮部乞諸州不置學官處  
委轉運司選官及生員多可置教授申本部下國子監  
審察從之

丁巳寶文閣待制寒周輔試刑部侍郎周輔以衰老廢  
學免中書舍人故有是命 如京副使姚雄為莊宅副

使內殿崇班姚古為供脩庫副使兼閤門通事舍人西  
頭供奉官姚評轉一官減磨勘二年為閤門祗候東頭  
供奉官彭孝義為西京左藏庫副使內殿崇班孫文顯  
東頭供奉官李贊左侍禁彭傑並為內殿承制餘遷官  
減磨勘年有差凡四百九人內諸軍以功次賜絹盧秉  
第上西賊入靜邊寨雜功也 中書省言元豐二年提  
舉茶場李稷以息稅五十萬緡為額後陸師閔奏自立  
額後連歲增羨乞自七年以百萬緡為額未知虛實詔

權茶司具自二年立額後至六年所收息稅有無增剩  
及支費數以聞本司具數上乃下刑部驅磨其舊封樁  
及見在錢並令交割與陝西逐路常平司封樁大理  
寺上太府少卿吳安持誣奏宰臣蔡確弟碩令幹吏張  
慶承認賒欠官錢人朱申羅錢未納案安持應私罪徒  
二年蔡確言安持本緣臣家事乞特寬赦詔安持免勒  
停增差監曹州酒務

御集載此事差詳今附見軍器少監蔡碩奏曾令本家宣借張慶買

羅計價二百貫約今年正月還未還準抵當所公文稱其錢合赴官送納臣已令張慶齎錢送納了當却準太

府寺差人捉領張慶與元賣羅人一處禁勘伏緣太府少卿吳安持昨為相州公事係臣兄根治安持所坐尤重賣羅人合催納官錢甚多何獨於臣乃要根勘欲望送不干礙官司盡理根究御批宜令開封府審行根究如所欠錢委已送納了足其太府寺勾到判員張慶即畫時疎放仍契勘本寺同犯上件所欠官錢人如不曾勾勘本寺官吏用情違法狀聞

京東路都轉運使吳

泰元豐七年九月十七日下

居厚奏元豐七年分支過鹽息錢一十五萬貫九百八十三文買到絹一十三萬六千六百六匹起赴澤州保甲司交納外欲乞今後每年酌中認絹一十三萬匹為額以鹽息錢從本司計置及依已得朝旨允到轉運提

刑提舉司所管諸般絹帛展限一月到澤州餘並依元

降指揮詔所乞展限不行餘依奏

寔錄甚畧  
今用審記

已未涇原路經畧安撫使知渭州盧秉以父老乞浙西  
一郡上批秉久官塞上甚得靜重制賊方畧昨靜邊之  
捷多其經畫降詔不允 秦鳳路經畧司言呂溫卿乞  
本州雞川寨外置水寨今相度若就下修築增置樓櫓  
防守人兵器具遇賊圍閉外乘高險下瞰水寨不利守  
禦欲止開水渠引水入城鑿池貯之省功而可守從之



辛酉木工楊琪為三班借職以修大相國寺西浮圖及

延春閣畢功琪琰之弟也

朱本簽貼云補一借職法不當書前史官書此意在謗訕

遂削去今從新本紹聖元年六月壬辰蔡卞云云可考

涇原路總管姚麟乞特

給公使錢詔如更有邊事出入給千緡詔河北河東

陝西路見在糧草每季於次季孟月具約支年月數上

戶部

壬戌詔新除吏部侍郎領左選熊本與吏部侍郎領右

選陳安石兩易其職以本目疾引見選人不能讀奏也

倉部郎中韓正彥言河北河東各止有銅錢一監乞兩路各增置一監歲鑄折二錢各十萬緡封樁詔轉運司相度以聞轉運司言其不便遂寢之

癸亥詔太原府封樁二十將器甲什物未有官專提舉致經畧司時有假借出入宜差提點刑獄官提舉即非奉朝命支借者依擅支封樁錢物法京西轉運司言

每歲於京西河陽差刈芟梢草夫納免夫錢應副洛口買梢草南路八州隨唐房州舊不差夫金均郢襄州丁

多夫少欲數納免夫錢於河北州軍兌還從之

甲子蕃官供脩庫使興邁朗額依並為西京左藏庫副使  
河東第三將以出界遇敵獲級也

乙丑以供脩庫使頽沁薩勒為皇城使文思副使結博約特  
為西左藏庫副使韓緒堅多克並為皇城副使西頭供奉  
官遵博納芝為內殿承制以賊入定西城頽沁薩勒等清  
野力戰堅多克重傷故也

十二月丙寅朔分命輔臣祈雪 三班奉職李概貸死

免除名追二官勒傳生毆盜袴遞卒死大理寺當概公  
罪絞特貸之 詔應臺察事已奏雖經恩不原

丁卯環慶路經畧司言蕃官朗布以功遷四官乞換本  
族巡檢詔朗布為本族巡檢當一資餘依格推賞

戊辰端明殿學士兼翰林侍讀學士太中大夫提舉崇  
福宮司馬光為資政殿學士降詔獎諭賜銀絹衣帶馬  
奉議郎范祖禹為秘書正字並以修資治通鑑書成也  
資治通鑑自治平三年置局光乞以韶州翁源縣令劉

恕將作監主簿趙君錫同修君錫以父喪不赴太常博士國子監直講劉放代之放在局五年通判秦州知資州龍水縣范祖禹代之每修一代史畢上之至是十五代紀三十卷總二百九十四卷目錄考異各三十卷時放出監衡州鹽酒務而恕已前卒上諭輔臣曰前代未嘗有此書過荀悅漢紀遠矣輔臣請觀之遂命付三省仍令速進入初元豐五年將行官制上於禁中自為圖帖定未出先謂輔臣曰官制將行欲取新舊人兩用之

又曰御史大夫非司馬光不可蔡確進曰國是方定願

少遲之王珪亦助確乃已及除光第四任提舉崇福宮

詔滿三十個月即不候替人發來赴闕

不候替人發來赴闕此據光乞

留臺狀

蓋將復用光也是歲秋宴上感疾始有建儲意又

謂輔臣曰來春建儲其以司馬光及呂公著為師保此

據

邵伯溫元祐辨誣及呂大防所為呂公著墓碑大防止稱公著不及光當考

蔡確知光必復

用欲自託於光乃謂職方員外郎邢恕曰上以君實為

資政殿學士異禮也君實好辭官確晚進不敢通書和

叔門下士宜以書言不可辭之故怒但與光之子康書

致確語康以白光光笑而不答亦再辭而後受之

此亦據邵

伯溫辨誣怒除職方在十一月乙巳新紀特書戊辰司馬光上資治通鑑呂本中雜說元豐中吳充既相復召邢恕為館職恕復為校書在熙寧十年三月元豐初為館閣校勘四年八月兼史館檢討五年四月為校書郎七年五月為小著十一月為識方充去位蔡確頗喜怒因乘間說確曰天下士人所以屈節降志以干權貴者相公以為何求也確曰此無他為欲富貴爾恕曰相公之言盡得天下士人情實矣然有富貴已得名位已極而猶不改前日所為者何也確知怒言中已因曰此確所不識也怒曰富貴已得名位已極而猶不改前日所為者怒以為此乃愚人習常安故無遠志而然耳使明智者當此則必有以善其後矣怒切以為相公自徒步

結人主取宰相固有不盡合天下公論者然今名位已  
極富貴已久而猶不盡改前日施設以相公明智如此  
而習於常人之情恕也疑之確徐曰奈何恕曰名位已  
極富貴已久世人之情所深望者欲其位之益安譽之  
益崇為長久之計耳若以今日施設而求位之益安譽  
之益崇猶倒行却走而及前景也其不曳地而死者幸  
也確曰子將何以教我顏卒受命恕曰自熙寧以來改  
法更制不合人心者甚衆而所用於時者皆一切小人  
也而相公欲望以此等人行今日之政望位之益安譽  
之益崇難矣夫難得而易失者時也自古聖賢才智之所  
望而不可得者權也今相公既有時與權矣何不乘此  
勢稍收用舊人及更改政事之甚不便者以合人心而  
固公位乎何為汲汲而但隨衆人已也確曰善於是與  
恕情分日篤有意改更政事收用舊人矣及神宗升遐  
宣仁聽政銳意改作而恕助確猶欲漸漸改更乞元豐  
舊人不可多逐由此邪正遂分元豐末劉摯梁燾孫覺



李常以次收用皆恕勸確為此劉摯元豐六年四月二十四日以右司郎中銜替八年四月十四日自滑州召為吏部郎中梁燾元豐八年四月十四日自京西北路提刑召為工部郎中孫覺元豐六年六月自京南留守召為太常少卿李常元豐五年四月自淮西提刑召為太常少卿六年六月遷禮部侍郎

吏部言

故參知政事陳彭年孫喜昌與弟素各乞祖繪像恩喜昌坐盜發彭年塚杖脊刺配詔推恩其弟素

已已詔自今詞官致齋非行事官不通謁

前因黃履申請已有此禁

考當

庚午皇第十二子似為集慶軍節度使和國公

新紀不書節度

使

辛未詔來年正月上辛祈穀罷庚子紫宸殿燕

治平二年可考

夔州路轉運判官宋構言本路鹽井未嘗權課利不

均及乞權買達州茶許商人出引行梓州路詔轉運及

權茶司詳度

朱本簽貼云元祐元年逐司相度到別無利息進呈訖不行合刪去今復存之

詔聞新廣西鈐轄張整馭軍太急委知桂州苗時中覺

察無致生事

十一月初三日

樞密院言西賊近寇諸路方戒

嚴時慮邊民私博易或漏邊機詔陝西河東經畧司嚴

加約束 手詔李憲得來奏以河北賊聚有利可乘欲  
量發兵馬討襲事將帥能爾朕復何憂賊之滅亡想無  
日矣披閱再三不忘嘉歎惟更加詳審布置但舉無虛  
發大殲醜類俾漢威遠暢羌人震疊乃所望也其騎兵  
須用二萬以上步人稱是仍作家計勿得遠行但使勁  
騎四散取利抄掠或選健將部而東上逼賊巢巢使上  
下震恐奔駭則不世之功庶幾可立矣今制獄雖未結  
案其犯者朝廷必止於憑律用法不至於異常加典爾

宜安心展布四體經營緣今來所為至重至大非平常  
邊事之比其審念之敬之重之勿虧損前績啟侮羌人

朱本增入新本削去墨本書御史臺制勘公事所言李  
憲三問不承即乞追攝詔用衆證結案朱本削去新本

復存之今依朱  
本移入斷罪處

又詔許四選命官通算學者依參選

人赴吏部就試合格人上等除博士中下等為學諭

元祐

元年六月二十

八日罷算學

癸酉中散大夫前成都府路轉運使李之純為右司郎  
中之純在蜀三任至是代還上勞之曰遠方不欲數易

大吏劔外邊夷安靜年穀屢豐斯見朝廷綏遠之意也  
因有是命 御史翟思言乞自今在京發解禮部試進  
士據入試人數以解額隨所治經十分數均取有餘不  
足相補各無過三分從之

甲戌詔陝西買馬隸經制熙河蘭會路邊防財用司  
通直郎李孝謹貸死除名配南雄州牢城免決刺坐前  
知齊州禹城縣受金錢大理寺當孝謹罪絞特貸之

丁丑權提點開封府界諸縣鎮公事范岫言前此三年

本司歲計乞朝廷特賜及借支錢四十萬緡才以充用  
今諸縣夏秋所收頗有足額比舊增六十餘萬乞以所  
餘二十萬緡佐他司之用詔予熙河蘭會路修努扎城  
令戶部印給公據經制司召人入便又乞再展限一年  
帶納諸積欠稅課從之

戊寅同管勾京西路保馬呂公雅言有官之家守官在  
外止出助錢不均乞令養馬兵部欲令有同居親屬自  
佃田產者依餘戶養馬從之

庚辰分命輔臣謝雪 詔戶部尚書王存侍郎楊汲各

展磨勘二年郎中晁端彥展三年坐言乞復銅禁不知

增錢監用銅多也

此事當考實錄殊不了了

辛巳詔朝廷封樁錢物令尚書省歲終具旁通冊進入

詔諸軍雖非出戌因差使不宿於家其妻犯姦許鄰

人告 詔三路州封樁常平錢物半年一具數上都省

又詔常平免役場務錢穀剩數提舉常平司立限移於

帥臣所在及邊要州封樁 董戩鄂特凌古差首領齎蕃

字并捉到夏國蕃部二人至熙州詔蕃部依蕃丁例刺

配 湖南北福建路本城所乞買銅及製造火珠二枚

從之

此據御集

壬午龍圖閣直學士曾布為翰林學士布方免喪也

詔叅茂威三州知州委鈐轄轉運司依選格奏差又詔  
川峽四路諸州錄事司理參軍毋得並差川人皆從前  
成都府轉運使李之純請也

癸未董戢進奉大首領薩卜賽死於都亭驛詔賻絹百



匹仍與朝辭例物附給其家

丁亥禮部言錢勰等昨在高麗國聞女真四十餘人在彼嘗密諭泉州商人郭敵往招誘首領令入貢及與中國貿易仍諭敵如得女真語言即至明州知州馬琬處傳達乞下琬候招誘到女真語言即具以聞詔從之其後女真卒不至

戊子河東緣邊安撫司言奉詔衝注損界壕處計置北界官司同開修勘會代州緣邊諸寨先開立壕候界至

甚明欲應諸寨界壕有衝注填淤處乞並候北人先計會即施行從之 殿中侍御史蹇序辰為右司諫

己丑朝散郎錢勰言奉使高麗蒙賜金帶元不奉指揮許使回仍舊服用而閤門稱曾經恩賜須合改換勰以朝廷服章自有品秩不敢苟紊官制又起居郎楊景畧言蒙改紫章服及賜犀帶臣未敢擅易詔並依品秩

瀘南緣邊安撫司言新收生界八姓羅始党一帶宋納兩江夷族願依七姓團結為義軍乞刺字支例物從之

元豐六年八月二十二日敕瀘州諸監寨子弟依朝旨合編排入保甲拘管元豐七年八月十六日樞密院劄子安撫司奏八姓夷衆願依七姓十九姓等夷人例團結充義軍奉聖旨宣依所奏元豐七年十二月二十四日敕安撫使司奏勾到羅始党生界八姓等各願團結編排都共一萬五千六百六十人並隨夷情團結為三十一指揮羅始党生界八姓團結為八指揮乞以歸化義軍為名都党十九族團為八指揮乞以順化義軍為名長寧軍管下山前後九州等團為十五指揮乞以懷化義軍為名七年十二月二十四日

庚寅詔門下中書外省官同舉言事御史二員 河北

西路提舉常平胡僧孺衝替坐前任陝西轉運司勾當

公事姦雜戶也 詔諸路官司倉庫不可專行及無法

式並申所屬寺監寺監不可專行申尚書本部本部不

可專行上都省若直彼朝旨應覆奏者依本條

元祐元年九月

二十八日  
王存云云

辛卯遼主遣永州觀察使耶律襄太常少卿史館修撰

賈師訓來賀正旦

壬辰詔保甲願賣所賞銀盃入官者聽保甲司買

開封府界河東路於禁軍闕額錢內借支河北路於常

平倉借支各七萬緡

癸巳詔請給毋得於三路勘請 廢通遠軍來遠寨

是歲宗室子賜名授官者四十九人斷大辟二千三百

六十五人天下免役計緡錢一千八百七十二萬九千

三百場務錢五百五萬九十穀帛石匹九十七萬六千

六百五十七

食貨志第二卷  
元豐七年事

凡天下禁軍之籍熙寧五

十六萬八千六百八十八人元豐六十一萬二千二百

四十三人

此據兵志首篇志又云總治平之兵一百十  
六萬二千兩禁軍步騎六十六萬三千已附

治平四年八月二十二日須更考詳蓋元豐視熙寧則  
增四萬三千五百五十五人視治平則減五萬七百五

十七而廂軍視祖宗時數益衆云此據兵志刪修熙寧四年十二月十六日

附載天下廂軍馬步指揮凡八百四十其為兵凡二十萬七千六百二十七而府界諸司或因事招募之類不與焉此熙寧四年數也未見元豐實數按治平兵數總一廂十六萬二千除禁兵六十六萬三千外廂兵凡四十九萬九千而熙寧四年總廂兵數乃止二十二萬七千六百二十七視治平幾減二十七萬雖熙寧四年府界諸司所招募不在其數又恐所招募數亦不至一倍有餘疑熙寧四年十二月所載二十二萬七千六百二十七或有差錯不然治平四年八月所載一百十六萬二千亦未審也然兩朝兵志所載兵數亦與此同當別考詳又按兩朝兵志景祐中本城兵四十三萬八千連治平三年乃五十萬矣此合參考或熙寧四年十二月所載二十二萬七千六百二十七止是改立新額人數又在外也須通前後細考之又按本志廂軍八百四

十指揮每指揮不過五百人今且以五百人為率亦合  
計四十二萬人不應只有二十二萬七千六百二十七  
人然以本志諸路分數計之即與總數不差未審何故  
又恐舊額兵數有不廢者其數亦不應與新額相倍雖  
府界諸司招募數或可并入此數即此兩朝志所稱五  
十萬數猶不及焉不應即稱視祖宗時數益衆也舊額  
不廢今具此河北路四指揮橋道壯城牢城馬監河東  
路五指揮本城牢城壯城雜攢作院工匠陝西路九指  
揮開山關河司牧省作院牢城壯城馬監色役咸陽橋  
道京東路四指揮壯城馬監裝卸牢城京西路一十一  
指揮橋道開道步驛會通橋道採造牢城壯城馬監三  
水唐東西八作密務淮南路一十二指揮橋道水運捐  
工都裝發防成水軍橋道車軍監軍新招稍工救頭水  
軍牢城剌員直兩浙路一十指揮水軍船坊舡務車軍  
採造樓店務江橋院碗手堰軍親務江南路一十四指  
揮水軍裏運貢軍水運捐工都造船軍匠步驛牢城壯

城下卸錢監鐵木匠營酒務營竹匠營酒務雜役荆湖  
路五指揮步驛水運舡坊渡船都清酒務船坊鐵作廣  
南路六指揮步驛造船場駕網水軍城面遮角場運錫  
四川路四指揮橋道橋閘防河羅城牢城以上一十一  
路計八十四指揮係舊軍額不廢者併改新額河北曰  
崇勝為十百十二指揮河東雄猛五十二陝西保寧一  
百十一京東奉化五十四京西勁武四十五淮南寧淮  
一百二兩洲崇節五十一江南劬勇五十三則湖宣節  
四十四福建保節三十三廣南清化八十二四川路克  
寧一百一十總天下指揮凡八百五十其為兵凡二十  
二萬七千六百二十七人而府界  
及諸司或因事募兵之類不與焉



